

Dumonda Casale concernent la creaziun d'in fond per elavurar istoricamain eveniments critics en las regiuns / valladas dal Grischun

Quest onn celebrescha il chantun Grischun l'agen giubileum! 500 onns Stadi liber da las Trais Lias. Nus avain bler da festivar. I vala però er da tractar adequatamain ils eveniments malempernaivels da nossa istorgia.

Cun passa 500 process documentads è il chantun Grischun stà a partir dal 16avel tschientaner in dals territoris da l'Europa ils pli ferm pertutgads da process da strias. Sur tschientaners n'ha il stadi federativ luc betg gè ina giurisdicziun cuminaivla. Las giurisdicziuns localas pratigavan dretg. Questa maschaida da conflicts da vischinadi cun consequenzas penals è dentant stada fatala per la populaziun. Las victimas èn stadas per gronda part dunnas: 4 da 5 unfrendas dals process da strias èn stadas dunnas.

Vischnancas sco Tavau han inizià e finanzià sezzas l'elavuraziun istorica da las colliaziuns localas cun il naziunalsocialissem. Ils resultats preschentads han survegnì atenziun e renconuschientscha en tut la Svizra e sin plaun internaziunal.

Las sutsegnadras ed ils sutsegnaders supplitgeschan da responder las suandantas dumondas:

1. Tge tenuta ha la Regenza concernent la creaziun d'in fond che po vegnir duvrà en il chantun per elavurar en moda fundada eveniments critics / metodos da l'istorgia (spezialmain ils process da strias, las colliaziuns cun il naziunalsocialissem, il tractament dals pievels cun ina moda da viver nomada e.u.v.)?
2. A Basilea ed en Glaruna èn vegnids elavurads monuments e craps commemorativs en memoria dals process da strias. Tge tenuta ha il chantun Grischun, che ha registrà – en la cumparegliaziun europeica – in grond dumber da process da strias e da talas victimas, per crear in fond respectiv?

Cuira, ils 30 d'avust 2024

Casale, Bardill, Said Bucher, Atanes, Bachmann, Baselgia, Biert, Bischof, Bisculm Jörg, Bleuler-Jenny, Cahenzli-Philipp (Vaz Sut), Das, Dietrich, Gartmann-Albin, Hoch, Horrer, Kaiser, Kreiliger, Mazzetta, Müller, Nicolay, Oesch, Preisig, Rettich, Rusch Nigg, Rutishauser, Schneider, Zaugg-Ettlin